



Árvalus Fágavirggiid virgáibidjanorgána (FVO) mandáhtta, oktiibidjan ja doaibman njuolggadusat.

Čuovvovaš árvalus ovddiduvvo Sámi allaskuvlla stivrra čoahkkimii 7.3.2018:

1. Fágavirggiid virgáibidjanorgána (FVO) rolla ja fápmudus

- 1.1. Fágavirggiid virgáibidjanorgána lea Sámi allaskuvlla stivrra (allaskuvlastivrra) vuollásaš virgáibidjanorgána universitehta- ja allaskuvla lága § 6-3 vuodul. FVO dahká iežas mearrádusaid allaskuvlastivrraid fápmudusa vuodul ja lea sierra hálddašanorgána.
- 1.2. FVO doaibmá buot Sámi allaskuvlla oahpahan- ja dutkanvirggiid hárrái virgáibidjanorgánan, earret professor- ja doseantavirggiide.
- 1.3. FVO doaibmá maiddáid daid virggiid virgáibidjanorgánan mat leat njuolga čadnon oahpahussii, dutkamii dehe muđui buvttadit fágalaš sisdoalu, vaikko dain ii leat oahpahan- ja dutkanvirggiid virgekoda.
- 1.4. FVO meannuda buot áššiid maid virgáibidjanorgánaide lea addon fápmudus gustovaš lágaid, lánkaásahusaid dahje Sámi allaskuvlastivrra dohkkehuvvon njuolggadusaid bokte, jus stivra ii leat eará dadjan.
- 1.5. FVO nammada áššedovdilávdegottiid mat galget nammaduvvot oahpahu- ja dutkanvirggiide ja doavttergrádstipendiáhtaid virgádemiid oktavuodas, universitehta- ja allaskuvlalága § 6-3 (3) ja (6) vuodul.

2. Oktiibidjan, konstituieren ja doaibmaáigodat

- 2.1. FVO oktiibiddjo čuovvovaččat:
 - Okta fágabargi oktan persovnnalaš várrelahtuin gean Giela, duoji, boazodoalu ja servodatdiehtagiid goađi bargit välljejit.
 - Okta fágabargi oktan persovnnalaš várrelahtuin gean Sámi oahpaheaddjeoahpuid ja álgoálbmotjournalistihka goađi bargit välljejit.
 - Okta bargi oktan persovnnalaš várrelahtuin gean fágasearvvit nammadit.
 - Giela, duoji, boazodoalu ja servodatdiehtagiid goađi jodiheaddji. Son nammada ieš iežas várreláhttu doaibmaáigodaga vuosttaš čoahkkimis dehe go várreláhttu luohpá.
 - Sámi oahpaheaddjeoahpuid ja álgoálbmotjournalistihka goađi jodiheaddji. Son nammada ieš iežas várreláhttu doaibmaáigodaga vuosttaš čoahkkimis dehe go várreláhttu luohpá.
 - Direktvra. Su várreláhtun lea oahppo- ja dutkanhoavda.

- 2.2. Direktevra lea FVO jođiheaddji. Su várreláhttu doaibma jođiheaddjin jus direktvra ii leat čoahkkimis.
- 2.3. Lagamus hoavda buktá árvalusa virgáibidjamii virggiide main FVO lea virgáibidjanorgána. Bargiidossodat ráhkkana áššiid ja doaibmá čállingoddin. Bargiidhoavda buktá mearrádusevttohusa orgánii.
- 2.4. Doaibmaáigodat lea guokte jagi áin hávális. Go áigodat nohká de nammaduvvojit ja válljejuvvojit fas ođđa áirasat. Jus áirasat luhpet ovdal doaibmaáigodat nohká, de biddjo ođđa áirras sadjái olggos doaibmaáigodaga.

3. *Mearrádusat ja beavdegirji*

- 3.1. FVO sáhtta dahkat mearrádusa áššis jus eanet go bealli áirasiin leat čoahkkimis. Muđui mañiduvvo ášši.
- 3.2. Jođiheaddjis lea duppaljietna jus jienasteamis leat seammá mađe jienat.
- 3.3. Čoahkkimis čállo čoahkkinbeavdegirji mas bohtá ovdan mearrádus, ja mot gii ge lea jienastan. Čoahkkinbeavdegirjái lea vejolaš bidjat sierra lasáhusaid čoahkkimis.

4. *Váiddaorgána*

- 4.1. FVO mearrádusaid maid sáhtta váidit hálddašanlága njuolggadusaid bokte lea allaskuvlastivra váiddaorgána. Váidagiidda stáhtabargiid lága § 33 vuodul lea maid allaskuvlastivra váiddaorgána.